

# INUIT ATAQATIGIIT

## Inatsisartuni



18. december 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

### **Naalakkersuisunut apeqquutit:**

- 1. Naalakkersuisut Nunaqarfik Kangerluk inukippallaalernera pillugu Kommune Qeqertalik peqatigalugu aaqqiisoqarnissaa siunertaralugu pilersaaruteqarpat?**
- 2. Nunaqarfiup Kangerluup ilungersunartumik inissisimanagera pillugu Kommune Qeqertalimmi Borgmesterip Naalakkersuisut Siulittaasuanik ataatsimeqqatiserinnikkumasarnera Naalakkersuisut pissusissamisoortutut isigivaat?**
- 3. Kommunit aqunneqarnerat pillugu Inatsisartut inatsisaat nr. 22, 18. november 2010-meersup qulakkiinngilaa inoqarfiit innuttaqqortussutsimikkut ikippallaalerneratigut inatsisitigut iliuusissamik toqqammavissinissaq, tamanna Naalakkersuisut naammanginartutut isigivaat?**
- 4. Kommunit aqunneqarnerat pillugu Inatsisartut inatsisaat nr. 22, 18. november 2010-meersup inoqarfiit inukippallaaleraagasa inatsisitigut qanoq malitassaqarsinnaanissaannik qulakkeerinnittumik suliaqarnissamut Naalakkersuisut suliaqarnissamut pilersaaruteqarpat?**
- 5. Naalakkersuisut siunissami Kangerluup inoqaannarnissaa siunertaralugu inuussutissarsiutitigut periarfissanik pilersitsinissamut nunaqarfik Qeqertat assigalugu pilersitsinissamut pilersaaruteqarpat?**
- 6. A. Kangerlummi innuttaasut Qeqertarsuarmut inoqarfinnulluunniit allanut nuukkusussagaluarpata inatsisitigut qanoq pisinnaatitaaffeqarpat?**  
**B) Inoqarfinnut allanut nutsernermi?**  
**C) Illutaarsinnaanermut initaarsinnaanermullu tunngasut?**  
**D) Suliffittaarsinnaanermut tunngasut?**

(Inatsisartunut Ilaasortaq Aqqa Samuelson, Inuit Ataqatigiit).

### **Tunngavilersuut:**

Kommune Qeqertalimmi kommunalbestyrelse nunaqarfik Kangerluk innuttakippallaalernera pillugu malinnaatinneqaqqissaarpoq. Kangerluk ilungersunartumik inissisimanera pillugu Kommune Qeqertalimmi Borgmesterip ataatsimeeqatiserinnittaraluarneri maangamut suli Naalakkersuisut Siulittaasuanit piviusunngortinneqanngitsut sumik pissuteqarnersut paaserusuppara. Kommunit aqunneqarnerat pillugu Inatsisartut inatsisaat nr. 22, 18. november 2010-meersoq inatsisitigut toqqammavissiiinera naammannersoq Naalakkersuisunut apeqqutigaa. Maanna ersarimmat inoqarfiit inukillivallaartut qanoq iliuuseqarfigineqarsinnaanerannik inatsit qulakkeerinninngitsoq. Kangerlummi innuttaasut nuukkusulissagaluarpata inatsisitigut qanoq pisinnaatitaaffeqarnersut erseqqissumik paasissutissiisoqartariaqarpoq, pingaartumik nunaqarfimmi innuttaasut eqqarsaatigalugit.

Ullut sulliviit qulit iluanni apeqqutinnut akissutit tigunissaannut qilanaarpunga.